

PROGRAMA DI ACCION

2002-2005



SALBA ARUBA AWOR!
PA MANAN TIN UN CALIDAD DI BIDA MIHOR
PASADO A PROBA CU ADN POR



JUNI 2001

Contenido	Pagina		
Introduccion	3		
Un invitacion	4		
1. Asuntonan General	4		
1.1 Funcionamento di Parlamento	4		
1.2 Parlamentario- y ministronan	4		
1.3 Asunto di naturalizacion	4		
1.4 Aparato gubernamental	4		
1.5 Cuerpo di empleadonan publico	4		
2. Finanzas	5		
2.1 Facilidatnan di impuesto	5		
3. Husticia	5		
3.1 Cuerpo policial	5		
3.2 Combatimento di criminalidad	5		
3.3 Asistencia	5		
3.4 Solucion di casonan	5		
3.5 Prevencion	6		
3.6 Revision di leyman	6		
3.7 Ley di Identificacion	6		
3.8 K.I.A.	6		
3.9 Combatimento di crimen organiza	6		
3.10 Admision y expulsion	6		
3.11 Control di imigracion y ilegalidad	6		
3.12 Asuntonan estatal	6		
3.13 Voogdijraad	7		
4. Asuntonan Economico	7		
4.1 Diversificacion	7		
4.2 Zona Liber	7		
4.3 Turismo en general	7		
4.4 Turismo crucero	7		
4.5 Industria	7		
4.6 Agricultura, cria y pesca	7		
4.7 Comercio y turismo den Oranjestad	7		
4.8 Comercio y turismo den San Nicolas	8		
4.9 Informacionan Economico	8		
4.10 Control economico	8		
5. Obranan Publico	8		
5.1 Vivienda	8		
5.2 Otorgamento di tereno	8		
5.3 Infraestructura	9		
6. Medio Ambiente	9		
6.1 Cuido y conservacion	9		
6.2 Maneho di dump	9		
6.3 Limpieza	9		
6.4 Polucion	9		
6.5 Reciclahe	9		
6.6 Proteccion di bestianan	9		
6.7 Institucion di investigacion	10		
6.8 City inspector	10		
7. Transporte y Comunicacion	10		
7.1 S.E.T.A.R.	10		
7.2 Aeropuerto y aviacion	10		
8. Salubridad Publico	10		
8.1 A.Z.V.	10		
8.2 Dr. Horacio Oduber Hospital	10		
8.3 Centro Medico	10		
8.4 Centro di prome auxilio	10		
8.5 Cuido preventivo pa cu salubridad	10		
8.6 Cuido dental y di alimentacion escolar	10		
8.7 Cuido medico pa nos grandinan	10		
8.8 Control higienico	10		
8.9 Trato preferencial pa personanan fisicamente considera	11		
9. Maneho Social	11		
9.1 Onderstand	11		
9.2 Personanan deshabilita	11		
9.3 Matrimonio y divorcio	11		
9.4 Problemanan di drogadiccion	11		
9.5 Abusonan	11		
9.6 Subsidio y maneho comun	11		
9.7 Pasadianan	11		
9.8 Cuido di nos grandinan	11		
9.9 Centronan di bario	11		
10. Enseansa	12		
10.1 Inovacion den enseñanza	12		
10.2 Posibilidadnan nobo di estudio na Universidad di Aruba	12		
10.3 Mantencion di y materialnan pa nos scolnan	12		
10.4 Participacion di mayornan y di sector empresarial	12		
10.5 Financiamiento di estudio	12		
10.6 Subsidio na scolnan	12		
10.7 Posibilidad di estudio avanza encuan to turismo	12		
10.8 Departamento di Enseñanza	13		
11. Asuntonan Laboral	13		
11.1 Job Center y permisonan pa trabao	13		
11.2 Sueldo minimo	13		
11.3 Leyman laboral	13		
11.4 Eliminacion di e sistema di "koppelbazen"	13		
11.5 Inspector Laboral	13		
11.6 Re-ingreso di nos yiunan di tera for di exterior	13		
11.7 Trabow pa personanan deshabilita	13		
11.8 Trahadornan di hotel, restaurant y casino	14		
11.9 Pension general	14		
12. Deporte	14		
12.1 Lotto pa deporte	14		
12.2 Terenonan y construccion di facilidadnan deportivo	14		
12.3 Promocion di diferente deportenan	14		
12.4 Educacion deportivo	14		
12.5 Incentivonan	14		
12.6 Deporte particular pa personanan deshabilita	14		
13. Maneho Cultural	14		
13.1 Instituto di cultura, biblioteca nacional y fundacion cultural	15		
13.2 Musica y arte	15		
13.3 Carnaval	15		
13.4 Museonan	15		
13.5 Entertainment center	15		
14. Vision pa cu hobennan	15		
14.1 Educacion familiar	15		
14.2 Enseñanza	15		
14.3 Plan pa Hubentud	16		
14.4 Deporte escolar	16		
14.5 Combatimiento di droga y alcohol	16		
14.6 Prevencion di embarazo hubenil	16		
14.7 Hobenan y medio ambiente	16		

Introduccion

Apreciable conciudadanonan,



Den bida ser progresivo ta di aplaudi principalmente si e avance concerni den tur sentido di palabra ta encera un adelanto positivo y permanente pa e comunidad existente y di esunnan di relevo. T'esey tambe ta e idea cual ta forma e base pa e inovacion aki di parti di nos humilde partido Accion Democratico Nacional, unda cu varios lunanan prome cu e proximo eleccion normal di staten, ya nos ta pone na conocimiento di nos pueblo e programa di nos partido pa cu e periodo di gobernacion 2002 - 2005. E hecho aki ta di considera tambe un primicia den historia politica na Aruba unda te cu awendia tradicionalmente ta te na final di campaña, despues cu den tur sorto di forma di propaganda a trata di gana y hasta cumpra e voto di e ciudadano, partidonan ta presenta nan programa na e pueblo. Motibo tras di e hecho aki ta simplemente pa evita copiamento door di e demas partidonan. A.D.N. mediante e inovacion aki ta demostra cu dicho pensamiento imadurá ya ta surpasá pa e inteligencia di nos pueblo. Ademá, nos partido no tin nada encontra tampoco pa wordu copiá, considerando e realidad cu entre copiamento riba papel y realizacion fisicamente mester existi e boluntad y curashi politico. Y ta net esaki lo haci di falta serca varios partidonan politico Arubano, meramente pa motibo di interesnan ahenos en general di nan financistanan cu tin cu cobra despues. P'esey mes cu hopi orguyo y honor mi ta declara cu partido A.D.N. no tin y hamas lo tin espacio pa e afamado sistema di financista y patronahe manera mencioná!! Pues den nomber di partido Accion Democratico Nacional ta un placer y honor pa mi presenta na nos distinguido pueblo Arubano e programa di nos partido pa cu e periodo di gobernacion 2002 - 2005. A.D.N. a escohe e lema pa e eleccion venidero:

"Salba Aruba - Awor!!!"

Un di e motibonan cu a escohe e lema aki ta cu nos di partido A.D.N. conhuntamente cu e ciudadanonan di Aruba mester lucha pa salba Aruba for di e situacion financiero critico cu Aruba ta aden actualmente. Pa jega na e meta aki mester percura pa Parlamento eherce su tarea di control ariba Gobierno manera debe ser y Gobierno na su turno mester gobierna a base di leyman vigente den forma mas transparente cu ta posibel. Otro motibo ta cu trahador-nan local mester tin preferencia pa obtene empleo na un pago husto y haya nan promocionnan den nan trabow. Nos idioma Papiamentu, nos cultura y tradicionnan autentico Arubano mester wordu conservá. Asina tin hopi otro motibonan cu mester sirbi pa concientisa e pueblo di Aruba cu Aruba mester wordu salba awor pa asina saca nos pais for di e situation actual y pa asina traha riba su futuro. A base di e informacionnan cu ta yega na pueblo por constata cu e situacion financiero di Gobierno ta malisimo. Saneamento di e situacion financiero tin prioridad maximo pasobra mester crea espacio financiero pa realisa e plan di gobernacion. Den e plan di gobernacion e punto di salida principal ta cu e ser humano mester ta central. Mester duna tur gremionan den nos comunidad e oportunidad pa di nan banda trece nan deseonan, cualnan lo wordu discuti y despues esnan cu ta acceptable, wordu incorporá den e programa di gobernacion. A.D.N. tin riba su lista candidatonan integro y serio pa por carga e confiansa di nos pueblo na un manera digno. Ta p'esey mi ta dirigi un invitacion especial na nos pueblo votador den su totalidad pa haci uso di bo derecho sagrado di voto den e eleccion proximo.

Mi deseo ta tambe cu e programa di nos partido lo por yuda bo na un manera critico pa haci un escohencia conciente, di modo cu nos pueblo di Aruba por haya un gobernacion sano.

Terminando, na e demas partidonan cu lo tuma parti na e proximo eleccion, mi ta participa cu, conhuntamente y honestamente a base di boluntad y curashi nos por saca nos pais Aruba for di e cataclismo den cual el a wordu hincá..

Finalmente como cu dentro di un periodo no mucho largo partido A.D.N. lo bai escohe lider di partido y e candidato pa encabeza e lista pa e proximo eleccion suscrito por lo tanto ta publica e programa di partido aki.

Atentamente,

*Den nomber di partido A.D.N.
Pedro Pablo (Charro) Kelly*

Un invitacion

Apesar cu nos partido a duna e maximo atencion na compilacion di nos programa, nos no ta pretende cu esaki lo ta completo. Pesey prome cu sigi cu e puntonan di accion di nos partido, nos ta haci un invitacion na nos digno pueblo pa den caso cu por tin un of otro sugerencia di indole cu ta den bienestar general di nos pueblo y di nos pais Aruba, A.D.N. lo ta altamente agradecido pa tuma esey den consideracion y tene cuenta cu ne den nos programa riba cual nos lo sigi amplia segun ta necesario.

1. Asuntonan General

1.1 Funcionamento di Parlamento

Parlamento mester stipula pa medio di ley un sistema adecuado dentro di cual Parlamento realmente mester cumpli cu entre otro un di su tareanan específico di controla gobierno su maneho den su totalidad, pa asina garantiza un funcionamiento democratico bibo pa medio di cual lo resalta e transparencia necesario pa nos pueblo.

1.2 Parlamentarionan y Ministronan

A.D.N. ta mantene su punto di bista cu mester baha e salarionan di ministro- y parlamentarionan na un nivel acceptable pa pueblo. Ademá pa evita cu sumanan exaheradamente halto ta wordu cobrá, mester introduci un ley cu ta trece un limitacion maximo pa cu acumulacion di pensionnan politico

1.3 Asunto di naturalizacion

Naturalizacion ta un asunto cu ta regarda Gobierno di Reino. Como tal Gobierno di pais Aruba mester propone na Gobierno di Reino cambianan den e ley di natralizacion existente cu ta haci posibel limitacion y debido control di e cantidad di personanan cu ta haya naturalizacion, pa asina evita un sobrepoblacion permanente y su eventual consecuncianan negativo pa nos pais. Ademá di dicho control, adaptacion di e leynan tin di encera cu pa bin na remarca mester cumpli cu exigencianan manera:

- declaracion di bon conducta pa parti di cuerpo policial,
- mester por domina nos idioma papiamento y mester tin suficiente conocimiento di historia y cultura di nos pais Aruba.

Extranheronan casá no a base ficticio cu personanan local ta haya un termino di naturalizacion mas corto. A.D.N. ta pone hopi mas énfasis riba e asunto di admision y naturalizacion, unda cu banda di e aprobacion di parti di minister di husticia cu tin e responsabilidad pa evalua e aspecto huridico, tambe mester haya e aprobacion di parti di minister di asuntonan social cu mester sondea e posibilidad cu si acaso, pa bienestar general y social, cuido medico, vivienda y otro motibonan, admision y eventual naturalizacion lo ta apropiá pa haci.

1.4 Aparato gubernamental

A.D.N. ta di opinion cu e aparato gubernamental mester ta caracterisá pa un bon servicio, confiabilidad y profesionalismo. E aparato gubernamental mester ta na servicio di e pueblo y mester concientisa tur empleado publico di esaki. Mester ofrece e trahador den sector publico e posibilidad pa capacitacion y entrenamiento continuo pa asina e por mehora su calidad di servicio, mientras cu mester tin atencion debido pa su posicion huridico a base di su preparacion. A.D.N. lo bin cu un proyecto moderno pa sanea y mehora e funcionamiento di e aparato gubernamental, unda cu nos metanan ta pa haci e departamentonan di gobierno mas eficiente, servicial y cu gastonan abao, na unda cu:

- lo hiba debido control di gasto den e aparato gubernamental
- lo baha gastonan e.o. door di usa edificionan central, pa baha gastonan di huur y mantencion, baha burocracia y stimula un mihor comunicacion
- lo usa solamente contratonan particular cu ta cumpli cu tur leynan vigente, e.o. leynan laboral y usa mas tanto posibel nos propio recursonan humano
- mester tene bon na cuenta pa no surpasa e presupuesto departamental
- lo hiba debido control riba entradanan di casino-wezen

1.5 Cuerpo di empleadonan publico

A.D.N. ta di opinion cu mester haci un revaluacion di e criterionan pa cu evaluacion mantení door di P.B.R. y enfoca riba e motibonan of obstaculonan cu ta frena e funcionamiento y productividad di e personal di cada departamento gubernamental.

- mester yega na un revaluacion di e salarionan di e “middenkader” y “hoger kader” pa asina frena e huida di e “forzanan” aki for di nos aparato gubernamental
- mester crea e infraestructura propio y den cual e preparacion di profesionalnan local, pa rem plaza e asesornan y conseheronan den cuadro di asistencia tecnico (“technische bijstand”) hulandes-europeo

2. Finansas

A.D.N. lo percura pa realisa un presupuesto real y balansá, unda cu mester bin cu un sistema confiable y rapido di genera cifranan financiero. A.D.N. lo percura pa gobierno hiba un maneho financiero responsabel, gastonan haci mester tin un hustificacion adecuado y no mester surpasa locual ta presupuestá. Gobierno mester mantene su mes na reglanan di contabilidad y e derecho di presupuesto di Parlamento. Gobierno mester studia cada aspecto di entrada y gastonan y e sistema di impuesto, pa asina haci e cobra-mento di impuesto mas husto. E meta ta pa logra un reparticion husto di e peso di impuesto, segun e ingreso di cada ciudadano. No por ta asina cu den totalidad ta e gremio laboral ta aporta mucho mas na impuesto cu e gremio comercial, mientras ta bien visto cu e actividadnan comercial local a conoce un crecimiento considerable den e ultimo añanan Tambe mester revisa e poliza di 'tax-holiday', entre otro, pa loke ta concerni e termino di duracion. A.D.N. tin como prioridad pa sanea e situacion financiero hopi precario di Aruba na un manera mas responsabel y soportabel posibel, unda cu mediante control efectivo primordialmente mester trata tanto posibel na baha gastonan y aumenta ingresonan di gobierno.

2.1 Facilidadnan di impuesto

- pa cu impuesto di entrada (inkomstenbelasting) mester por reduci di e entrada di e contrubuyente:
 1. gastonan relacioná cu su recapitacion (estudio, bukinan, tayer internacional y local, symposio, gastonan di biahe y estudio) mester ta deducible den su totalidad
 2. un suma di Afl. 1.600,— e n vez di Afl. 500,— encuanto gastonan di trabou (verweringskosten)
- e ley di impuesto di entrada (I.B.) mester wordu cambiá di tal manera pa no cobra impuesto di entrada riba propina adicional ricibí fuera di "service charge"
- e ley di grondbelasting mester wordu revisá di tal forma cu lo tene cuenta cu doñonan di propio vivienda cu un sueldo minimo, cual belasting no por surpasa 2% di su salario anual.

3. Husticia

A.D.N. ta di opinion cu mester pone enfasis tanto riba e principionan di trato igual pa un y tur pa loke ta trata proteccion cu ley ta brinda como riba violacion di nos leynan. A.D.N. ta di opinion cu asistencia di polis mester ta mas rapido y efectivo, igualmente mester por yega na resolve casonan mas eficiente y rapido.

3.1 Cuerpo policial

A.D.N. tin como alto prioridad restablecimiento di e tranquilidad y seguridad cu semper Aruba tabata tin y cu a duna Aruba e nomber di un isla feliz. A.D.N. ta di opinion cu mester reforza e funcionamiento di nos cuerpo policial e.o. door di:

- revision di e ley di detencion
- renoba y usa e wardanan di polis den e diferente districtonan optimalmente pa asina garantisar seguridad den tur bario
- equipa cuerpo policial cu armanan mas avanzá
- un programa pa incentiva hobennan pa bira polis y asina aumenta e cuerpo policial
- haci posibel pa e ultimo desaroyonan den tecnologia y material pa combati criminalidad ta na alcance di cuerpo policial
- incentivo den forma di mehoracion di e posicion huridico di y recompensacion pa e miembronan di cuerpo policial
- independiza cuerpo policial materialmente mediante un propio presupuesto

3.2 Combatimento di criminalidad

A.D.N. ta boga pa:

- mihor y mas control di un cuerpo policial bon equipá
- asistencia mas rapido
- aumenta e porcentahe di solucion di casonan
- prevencion efectivo
- control di patruya y polis na civil ta necesario den tur barionan;
- uso di tecnologia moderno pa detecta movecionnan sospechoso;
- haci test di droga na scolnan.

3.3 Asistencia

Mester baha e factor tempo na e momento cu e caso a wordu raportá y e momento cu autoridad drenta den accion.

3.4 Solucion di casonan

Mester haci uso tambe di tecnologia moderno e.o. ciencia forense, mas personal y equipo pa asina tin atencion pa cada caso y tambe aumenta e potencial pa solucion di casonan.

3.5 Prevencion

Mester pone hopi atencion na e prevencion di criminalidad door di trece na scolnan programanan di concientizacion, informacionnan y posibel deteccion na tempo.

Tambe mester implementa mas restriccion pa cu cierre na e horario stipulá di e localidadnan di diversion nocturno manera bar-restaurant y clubnan, cualnan durante siman y fin di siman respectivamente no mester ta mas laat cu 3'or a.m. y 4'or a.m.

3.6 Revision di leyman

Na e situacion actual unda cu e ciudadano tin cu biba y labora tras di trali, mientras cu e malhechor ta abusa na su antoho y sali liber, mester yega un fin. Pesey A.D.N. ta pone como prioridad revision di leyman pa asina pone castigonan mucho mas pisá ariba e.o.

- atraconan, vandalismo, robonan, uso y bendemento di droga, "joyriding", stuurmento bao influencia, maltrato di hende, criminalidad hubenil, violacion di hende muher.

3.7 Ley di Identificacion

A.D.N. ta pone como prioridad implementacion y ehecucion di e Ley di Identificacion pa tur habitantenan di Aruba cu ta inscribí na Senso. Dicho ley lo regla e uso obligatorio di un cedula di identificacion duná door di pais Aruba y igualmente e sancionnan pa incumplimiento cu e ley.

3.8 K.I.A.

A.D.N. ta di opinion cu K.I.A. mester fungi como un centro correccional efectivo y mester baha gastonan di e instituto e.o. door di usa e forza laboral di e presonan y traha riba posibel deportacion di presonan extranhero pa nan sinta nan castigo den nan propio pais. Igualmente esaki mester ta directamente e caso cu e mulanan detení na aeropuerto.

3.9 Combatimento di crimen organizá

A.D.N. ta enfatiza cu mester realiza un control mas severo y cooperacion riba comba-timento di narco-trafico y labamento di placa, mientras cu cualkier cooperacion inter-nacional mester garantiza y salvaguardia seguridad nacional di nos pais. Tambe mester eherce mas control di entrada na aeropuerto haciendo uso di medionan automatísá pa archiva nomber y demas informacionnan. Control severo mester wordu eherce igualmente den nos hafnan, na nos costanan y riba piscamento ilegal den nos awanan territorial. Lo stimula duaneronan pa bira polisnan extra ordinario, esta "buiten gewoon agent van politie".

3.10 Admision y expulsion

A.D.N. ta pone como prioridad un revision completo di e actual leyman di admision y expulsion. Ademá mester bin un reorganizacion completo al respecto pa asina garantiza cu admision di extranheronan ta complementa e maneho laboral proponí pa A.D.N.. Controlnan severo computerisá y acoplá cu otro instancianan concerni ta primordial.

3.11 Control di imigracion

A.D.N. lo percura pa establece un control estricto di personanan cu ta permanece ilegalmente den nos pais. Pa haci esaki lo introduci un sistema di automatizacion cu ta acoplá cu imigracion, cuerpo policial, douane y DOOV. Pa locual ta trata accionnan inmediato riba ilegalnan, lo duna un lapso di 1 luna pa bandona nos pais voluntariamente. E lapso di 1 luna aki ta conta tambe pa esnan cu tin personanan sin permiso ta labora den nan servicio, di modo cu nan por notifica esakinan na imigracion. Despues di dicho lapso di tempo lo cuminsa cu controlnan riguroso, unda cu si constata cu tin personanan ilegal ta labora na cualkier empresa, lo duna multanan pisá di acuerdo cu e leyman concerní na e responsablenan di e empresanan aki. Personanan ilegal cu no a bandona nos pais voluntariamente dentro di e termino di tempo mencioná, lo haya un sancion cu nan no por drenta nos pais durante un periodo minimo di 10 aña. Hulandesnan-europeo y antiyano por wordu concede un trato considera pa obtene admision y permiso pa trabao. Den tal aspecto A.D.N. ta enfatiza riba ehecucion di e ley existente pa loke ta concerni e prioridad al respecto di yenamento di vacatura door di e trahador Arubiano.

3.12 Asuntoman Estatal

A.D.N. ta boga pa Aruba keda cu tur su logronan cu ta mará na Status Aparte, p.e. propio Gobernador, Procurador General, guarda-costa y otronan. A.D.N. ta boga pa un Procurador General preferiblemente arubano.

A.D.N. ta considera un prioridad pa urgi gobierno Hulandes pa debolbe tur poder y derechonan cu gobierno di AVP/OLA a entrega di Status Aparte na Hulanda den Aruba su propio man.

Ademas A.D.N. ta desaproba categoricamente tur otro decisionnan tumá ilegalmente door di gobierno di AVP/OLA encontra di e interes general di nos pais y A.D.N. lo haci maximo esfuerzo pa unda ta posibel deshaci di tal desicionnan.

A.D.N. ta boga enfaticamente pa modificacion di e ley di extradicion pa elimina e desigualdad existente pa cu e Arubiano-Hulandes.

A.D.N. ta pone enfasis maximo riba un funcionamiento independiente di Parlamento y lo yuda crea e infraestructura pa haci esaki posibel.

A.D.N. ta garantiza un maneho transparente di gobierno den tur aspecto.

3.13 Voogdijraad

Mirando e crecemento di problemanan social, A.D.N. lo percura pa un reorganizacion di e funcionamiento di Voogdijraad y adaptacion di e diferente leynan al respecto.

4. Asuntonan Economico

E maneho economico di nos pais mester ta dirigí riba fortificacion, consolidacion y diversificacion di nos economia. A.D.N. lo sostene tur actividad economico, teniendo cuenta cu nos medio ambiente, e situacion di mercado laboral, competencianan sano, impacto social y nos leynan vigente.

4.1 Diversificacion

A.D.N. ta conciente di e riesgonan economico cu por tin, den caso cu nos economia ta wordu sostené principalmente pa un of dos pilar solamente. Pesey A.D.N. ta boga pa un diversificacion di nos economia, door di promove desaroyo di industrialisacion. A.D.N. ta sostene establecimiento y desaroyo di proyectonan cu ta capital-intensivo, cu un forsa laboral minimo y cu un potencial di exportacion pa trece divisas, con tal cu esakinan ta proyectonan cu no ta negativo pa nos medio ambiente.

4.2 Zona Liber

A.D.N. ta boga pa sigi duna sosten na e desaroyonan den zona liber y caminda ta necesario amplia e facilidatnan infraestructural. Un control stringente pa evita uso negativo di nos zona liber ta primordial.

4.3 Turismo en general

A.D.N. ta sostene maneho di gobierno pa "upgrade" Aruba Tourism Authority pa e funciona na un manera optimal pa mihor desaroyo di nos turismo. E prioridadnan di gobierno mester ta basá riba mehoracion di nos imagen den exterior y sondea mercadonan nobo di turistanan "spenders". Esaki lo por ser lográ door di propa- gandan agresivo y mihor mercadeo. A.D.N. ta di opinion cu gobierno mester enfoca riba mehoracion di e calidad di nos turismo. Ademas mester promove e.o. turismo relacioná cu deporte, eco-turismo y gruponan incentivo (conventions). A.D.N. tin e debido atencion pa drecha camindanan cu ta conduci pa e sitionan turistico y pone mas indicacion pa e diferente sitionan. A.D.N. ta di opinion tambe cu ta importante pa trece nos talentonan, musica en general y cultura mas cerca di e turistanan. Mester concientiza nos alumnonan na scol y e pueblo en general ariba e importancia di turismo pa nos pais.

4.4 Turismo crucero

A.D.N. ta enfoca riba promocion di turismo crucero pa cual e facilidatnan di e terminal riba tereno di haf mester wordu ampliá. A.D.N. ta boga pa mas tanto posibel wordu hací pa comercio en general beneficia di turistanan crucero teniendo cuenta principalmenté cu e desaroyonan den San Nicolas.

4.5 Industria

A.D.N. ta stimula nos hendenan local pa sigi inverti den nos pais y lo percura pa tin informacionnan adecuado y facilidatnan pa nan. A.D.N. ta boga pa sigi promove y stimula industria chiquito y mediano pa reduci importacion. Lo sigui cu e desaroyo di Barcadera como un puerto industrial. Lo sondea e posibilidadnan pa haci A.P.A. N.V. un empresa mas rendabel pa gobierno door di mehora su funcionamiento den tur aspecto.

4.6 Agricultura, cría y pesca

A.D.N. lo explora y explota nos recursonan natural e.o.: agricultura, horticultura, cría di porko, galiña, pesca, y marcultura, semper y cuando teniendo cuenta cu nos medio ambiente y evita molester pa becindario. Gobierno mester crea incentivonan pa stimula e activi-dadnan ariba mencioná.

4.7 Comercio y turismo den Oranjestad

A.D.N. ta enfoca riba posibilidadnan pa haci centro di Oranjestad mas atractivo y pa soluciona e problema di stacionamento. Maximo esfuerzo mester wordu haci pa promove y stimula e turistanan pa bishita e comercio den caya principal.

4.8 Comercio y turismo den San Nicolas

A.D.N. ta di opinion cu mester sigi explora posibilidadnan pa industria turistico na San Nicolas y vecindario. A.D.N. ta sostene un desaroyo den San Nicolas como un lugar socio- cultural Caribense. A.D.N. ta boga pa desaroya Lago Colony como un lugar tanto turistico como di recreacion tambe pa nos localnan.

4.9 Informacionan Economico

A.D.N. ta di opinion cu cifranan y informacionnan economico real ta di sumo importancia pa nos empresanan, pa nos trahadornan y nos pueblo en general. Y ta pesey mes den e proximo gobierno, A.D.N. lo percura pa informacionnan y cifranan ta correcto y al dia.

4.10 Control economico

A.D.N. ta di opinion cu mester duna e diferente formanan di inspeccion pa medio di e instancianan concerni, manera control di: prijs, calidad, higiena, labor ilegal, ciudad y ambiente en general, mas autoridad pa actua al instante. Actualmente tin diferente personanan ta yega nos isla como comerciantenan ilegal ambulante. Nan ta bin bende porta pa porta treciendo competencia inhusto, door cu nan no ta paga impuesto, tampoco pa huur di un establecimiento y otro gastonan. A.D.N. ta boga pa bin cu un control estricto riba comerciantenan ilegal, riba competencianan inhusto y tambe riba comerciantenan cu ta mal-usa nos localnan pa tuma responsabilidad over como propietario, ("stro-man"). Pa esnan cu ta dispuesto pa drenta e mundo comercial cu nehoshinan chikito, mester tin guia, informacionnan y cursonan disponibel.

A.D.N. ta pone como prioridad pa mantene e moratorium riba time-sharing y introduci reglanan estricto pa venta y explotacion di proyectonan di time-sharing existente. Ademá lo dedica debido atencion pa bin cu un estudio di e consecuencianan di time-sharing. Mester bin cu control riba actividadnan aquatico en bista di e gran cantidad di keho di parti di nos localnan y turistanan y tambe pa cu conservacion di e atraccionnan natural submarino. Mester bin cu investigacion riba mal uso di tax-holiday

5. Obranan Publico

5.1 Vivienda

A.D.N. ta urgi gobierno pa bin cu un reorganizacion di F.C.C.A., unda cu lo acentua e meta pa cual e instancia aki a wordu fundá. Y esaki ta encera pa duna esun cu entrada mas abou un oportunidad pa yega na su propio cas, sin cu su ingreso ta wordu afectá severamente.

F.C.C.A. su servicionan mester wordu adaptá y ampliá cu e.o.:

- posibilidad di prestamo pa renovacion y expansion di vivienda propio;
- revision di e condicionan di subsidio di huur di cas di pueblo;
- posibilidad di prestamo pa adaptacion di cas di esnan deshabilitá y ancianonan.

Pesey A.D.N. lo percura pa e construccion di casnan di pueblo wordu reanuda y lo re-introduci e sistema di aspirant-zelfbouwer, cu ta encera financiamiento di e gastonan en-volvi den e proceso pa haya tereno y cas di F.C.C.A. A.D.N. lo haci su maximo esfuerzo pa cu e criterionan pa bini na remarca pa un cas di pueblo wordu revisá y suavisá.

5.2 Otorgamento di tereno

A.D.N. ta di opinion cu e maneho di gobierno encunto otorgamento di tereno mester ta mas efectivo, di modo cu lo duna prioridad na esnan cu ya tin basta tempo ta sperando y esnan den mas necesidad. A.D.N. den e proximo gobierno lo urgi pa e maneho di otorgamento di tereno tene cuenta cu preservacion di nos naturalesa y pa demarca cierto areanan como conservacion, unda cu no ta permiti pa roza of construi. A.D.N. lo introduci un sistema di automatizacion pa acopla informacionnan di e diferente instancianan involvi cu otorgamento di tereno. Lo pone enfasis riba e ordenanza di espacio y urbanisacion. Gobierno lo mantene e maneho total di terenonan di gobierno den su propio man.

5.3 Infraestructura

A.D.N. tin como prioridad pa bin cu un maneho di mehoracion efectivo cu ta encera e.o.: un plan di renovacion y mantencion di e careteranan existente, haciendo uso di un sistema automatizá, cu lo indica e camindanan cu primeramente debí na nan condicion mester di mantencion of renovacion y den cuanto tempo esey lo socede. Lo haci un inventarisacion di e sitionan den e barionan cu falta camindanan asfaltá, aseranan y iluminacion of cualnan pa hopi tempo no a haya un mantencion adecuado. Ademá lo tene cuenta cu tin matanan y parkenan den e sitio-

nan aki. Tambe mester tin un mihor coordinacion entre e companianan di utilidad pa cu nan trabounan wordu acabá efectivamente, pues pa tur buraconan wordu tapá despues di e trabounan. A.D.N. lo pone maximo atencion na e sitionan cu ta wordu afectá ora di yobidanan fuerte y lo percura tambe pa mantencion di nos red di riol y unda cu ta necesario lo amplia e red di riol.

6. Medio Ambiente

A.D.N. ta boga pa gobierno hiba un maneho basa riba aplicacion di un desaroyo sostenibel y duradero pa loke ta concerni medio ambiente, planificacion fisico, urbanisacion, infra-estructura, utilidad y vivienda. Pesey tambe ta di sumo importancia pa, despues di posible adaptacionnan, ehucuta e ley drumi di Ordenanza Ambiental (Ruimtelijke Ordening).

6.1 Cuido y conservacion

Conciente di e hecho cu turismo, siendo e pilar clave di nos economia, tin un acoplacion estrecho cu e condicionnan ecologico di nos pais, entre otro nos famoso playanan, cuido y conservacion di naturaleza ta forma un parti sumamente importante di medio ambiente. A.D.N. ta boga pa gobierno conserva cierto partinan di nos territorio y lamá, cu mester keda den nan estado original como parke- y reservacionnan nacional.

Areanan manera e.o.: Bubali-plas y otro sanctuarionan di parhanan pasahero, parke nacional Arikok, Spaans Lagoen, e cuebanan, nos rifnan y playanan mester tin atencion maximo di gobierno. A.D.N. lo percura pa bin cu restriccionnan y control stringente pa evita tanto e molester pa e becindario como e daño causa door di e empresanan cu ta haci uso di nos suelo (piedra, santu) como materia prima pa nan negoshi

6.2 Maneho di dump

En vista di e situacion actual di e dump tanto na Parkietenbos, Palu Marga como na demas sitionan riba nos isla, cu tur consecuencia sumamente negatrivo cu esaki tin pa nos medio ambiente, lama, flora y fauna den e regionnan mencioná, A.D.N. ta considera un prioridad pa re-evalua e estudionan existente o sea explora otro posibilidadnan encuanto di e proble-matica aki y yega na un solucion mas favorabel posibel y un maneho structurá di dump na nos pais.

6.3 Limpiesa

A.D.N. ta conciente di e necesidad pa haci y mantene nos isla limpi, tanto pa nos mes como pa nos bishitantenan.

A.D.N. den proximo gobierno lo duna atencion special na e problematica di dump y lo desaroya y implementa un plan integral pa maneho di sushedad.

A.D.N. ta enfoca riba control severo pa loke ta concerni uso di e containernan di sushi. Tambe lo pone avisonan pa concientisa riba mantencion di nos medio ambiente y tambe pa describi e sitionan.

6.4 Polucion

A.D.N. ta sostene e ideanan di organisacionnan no-gubernamental cu tin como meta conservacion di nos naturalesa y medio ambiente.

A.D.N. ta opta pa sigi traha riba leynan cu ta regarda polucion y destruccion di tanto nos naturalesa maritimo como riba tera.

6.5 Reciclahe

A.D.N. lo stimula plannan di reciclahe y uso di materialnan cu por wordu reciclá.

6.6 Proteccion di bestianan

A.D.N. tin atencion y ta apoya instancianan cu tin como meta proteccion di nos animalnan den extincion manera burico, tortuga, yuana, shoko y lo demas.

6.7 Institucion di investigacion

A.D.N. den proximo gobierno lo stimula intermediacion pa cu institucionnan di ayudo inter-nacional, cualnan conhuntamente cu nos propio expertonan, lo haci investigacionnan riba proteccion di nos medio ambiente, flora, fauna y lamá.

6.8 City inspector

En vista di e aumento considerabel di e actividad comercial y laboral riba nos isla, mester amplia e funcion y autoridad di "city inspector" pa cu e medio ambiente.

7. Transporte y Comunicacion

7.1 S.E.T.A.R.

A.D.N. ta boga pa un maneho di nos compania di telecomunicacion na un manera profesional y eficiente. Mester sigi cu e proceso pa independisa S.E.T.A.R. y como un empresa di gobierno finalmente convirti'e den un N.V. estilo W.E.B. y E.L.M.A.R..

A.D.N. den e proximo gobierno lo opta y percura pa S.E.T.A.R. haci lo maximo pa:

- avanza riba e servicio di Internet o sea como Internet-provider;
- yega na explotacion di demas posibilidadnan di servicionan den sistemanan di telecomunicacion;
- realiza un reduccion di e tarifa di telefon;
- yega na un uso total di Internet, pues tanto no-comercial como comercial;
- no cobra pa e servicio di S.E.T.A.R. pa cu uso di Internet.

A.D.N. ta di opinion cu den e mundo dinamico aki e uso di celular ta forma parti esencial di e bida diario tanto empresarial como personal en especial unda ta concerni e seguridad individual. Pesey A.D.N. ta boga tambe pa stimula e uso di celular door di reduci e tarifanan al respecto.

7.2 Aeropuerto y Aviacion

A.D.N. ta sostene e punto di bista cu gobierno mester pone hopi enfasis riba un maneho operacional responsabel di aeropuerto. Pa loke ta regarda un politica dinamico di aviacion e punto di salida lo keda manteni, cu mester haci maximo intentonan pa obtene uso di mas "gate-way"-nan importante pa por trece turista for di varios regionnan tanto di Estados Unidos como di den Caribe, Sur America, Europa y otro paisnan potencial pa Aruba. Pesey mes tambe mester explora tur posibilidadnan pa yega atrobe na realmente un linea nacional di aviacion cu ta un sosten indiscutible di nos turismo. Ademá mester haci un revaluacion di e airport-tax existente.

8. Salubridad Publico

Salubridad Publico ta e area cu ta maneha salud y cuido medico di henter pueblo. Pa yega na un cuido medico optimal cu ta un derecho fundamental di cada ciudadano, mester tene cuenta cu diferente aspecto di ciencia medico, financiero, social y personal. Pesey mester bin cu un maneho integral pa asina garantiza un mihor cuido medico y para-medico.

8.1 A.Z.V.

A.D.N. den e proximo gobernacion lo keda vigila y percura pa ehecucion di calidad y responsabel di un A.Z.V. restructurá (ley di seguro medico general) na unda e hende ta keda central.

8.2 Dr. Horacio Oduber Hospital

A.D.N. ta di opinion cu mester dedica e atencion necesario riba un maneho operacional responsabel y efectivo, unda cu no ta existi 3de. klas, airco ta un necesidad y menos cantidad di pashentnan den un kamber.

8.3 Centro Medico

A.D.N. ta conciente di e necesidad di mas expansion y modernisacion di Centro Medico na San Nicolas (Clinica Dr. Engelbrecht). A.D.N. ta di opinion cu, mirando e crecemento di e poblacion di San Nicolas y besindario y saliendo for di e punto di bista cu den e area ey tin un refineria grandi, ta hopi necesario pa tin un centro medico moderno y bon equipá pa duna un servicio optimal. Pa cumpli cu un maneho responsabel, A.D.N. ta boga tambe pa ampliacion di e facilidadnan y servicio di Clinica dr. Engelbrecht.

8.4 Centro di prome auxilio

Lo bin cu un central di yamada di auxilio (estilo 911) cu lo habri e posibilidadnan pa duna promer asistencia via telefon y evalua e gravedad y urgencia di e situacion pa asina tuma e pasonan necesario.

8.5 Cuido preventivo pa cu salubridad

A.D.N. lo amplia riba programa di informacion y concientizacion encunto cuido preventivo pa cu salubridad. Lo enfoca riba control di malesanan, e.o. contagioso y cronico y concientiza nos comunidad pa un mihor salud.

8.6 Cuido dental y di alimentacion escolar

A.D.N. ta enfoca riba e posibilidad di un equipo ambulante cu e tarea di chequeo y concientizacion pa cu cuido dental di nos muchanan na scol. E muchanan lo wordu concientiza tambe ariba otro aspectonan, e.o. higiena personal y alimentacion.

8.7 Cuido medico pa nos grandinan

A.D.N. ta considera e posibilidad pa cuido medico adecuado di ancianonan na e propio centro di cuido di anciano.

8.8 Control higienico

A.D.N. lo urgi gobierno pa eherce control hygienico mas severo riba restaurantnan, hotelnan, supermercadonan y otro establecimentonan cu ta suministra alimento.

8.9 Trato preferencial pa personanan fisicamente considerá

A.D.N. ta di opinion y lo urgi gobierno pa duna nos grandinan, personanan deshabilitá y damanan embarasá mas tanto posibel un trato preferencial ora di acudi na e.o. laboratorio y consultorionan medico y demas servicionan di gobierno.

9. Maneho Social

Maneho social di gobierno mester ta bon fundá den tur aspecto pa garantiza e derecho basico di e ser humano y tambe pa logra un desaroyo igual den henter nos comunidad. Y esaki por ser lográ door di crea e ambiente en general riba nos isla dentro di cual e ser humano por desaroya su mes optimalmente, pa asina obtene un mihor calidad di bida den tur sentido.

9.1 Onderstand

A.D.N. ta conciente cu tin hopi reclamo di personanan den necesidad cu a wordu excluí di nan onderstand. Pesey A.D.N. ta enfatiza riba un control pa cu e maneho di onderstand y lo revisa e criterionan pa crea un base mas husto. Mester yega na adaptacion di e suma na e cifra real di costo di bida.

9.2 Personanan deshabilitá

A.D.N. ta enfatiza cu un cuida adecuado pa personanan deshabilitá ta indispensable y tambe lo explora posibilidadnan pa un mihor educacion y recreacion y lo haci tur posibel pa crea oportunidadnan di trabao pa e personanan aki pa asina stimula un participacion optimal di nan den nos comunidad. Lo bin cu leynan, pa ora di construccion y remodelacion di vivienda y edificionan publico, tene cuenta cu e facilidadnan cu mester tin pa personanan cu cierto limitacionnan di e.o. movecion fisica, visual y di oido.

9.3 Matrimonio y divorcio

A.D.N. ta di opinion cu e famia ta e fundeshi di nos comunidad. E fenomeno di matrimonio ficticio tin maximo atencion di A.D.N. y nos lo bin cu leynan pa frena e fenomeno aki. Lo sostene tayernan di concientizacion pa baha e porcentahe di divorcionan y igualmente tayernan pa yuda e parehanan y e yiu-nan adapta nan mes den un situacion di separacion of divorcio. Lo enfatiza riba leynan pa proteccion di parehanan cu ta casá, bibá hunto, separá of den divorcio, pa evita abusonnan y mal uso di e situacion.

9.4 Problema di drogadiccion

Lo bin cu un plan pa deteccion na tempo di e uso di droga bao di e hubentud y adultonan. A.D.N. ta pone como prioridad pa ehecuta e ley pa obliga e chollernan pa somete nan mes na un cuida di rehabilitacion. Depende di e grado di adiccion cada pashent lo haya un trata-mento adecuado y profesional, pa asina e lo por bolbe den comunidad como un persona normal.

9.5 Abusonan

A.D.N. ta sostene e organisacionnan cu tin como meta pa stop abuso di mucha, di hende muher y demas abusonan.

9.6 Maneho comun pa cu subsidio

A.D.N. lo percura pa bin cu un maneho di duna subsidio na diferente instancianan activo cu trabao social y unda cu lo duna guia y asistencia administrativo. Lo revisa metanan di e instancianan pa asina bin cu un maneho comun y dirigí riba e situacion actual.

A.D.N. ta boga pa un sincronizacion di tur e instancianan aki den e maneho social, di modo cu por yega realmente na un maneho social efectivo y asina crea un unidad entre e instancianan aki.

9.7 Pasadíanan

A.D.N. ta stimula e proceso di structuracion di educacion pre-escolar pa ley, teniendo cuenta cu e aspectonan di programacion, di profesionalismo, di higiena, medico y educacional. Lo bin cu un maneho efectivo pa logra e cuida adecuado y profesional di nos chikitinnan, teniendo cuenta tambe cu e necesidadnan y recursonan di e pasadianan. A.D.N. ta boga pa bin cu un sistema di control di calidad y guia pa e pasadianan.

9.8 Cuido di nos grandinan

A.D.N. ta boga pa bin cu un proyecto pa cu e servicio di cuida di ancianonan y enfermonan na cas. Enfasis lo wordu poní riba e materialnan nesecario pa facilita e trabao di e enfermero(a)nan den e casnan di anciano.

9.9 Centronan di barío

A.D.N. lo percura pa subsidio pa centronan di bario y lo stimula e uso optimal di e centro, unda cu su metanan multi-funcional mester wordu poní mas den practica. Ademas di loke ta regarda trahadornan publico, tambe lo stimula sector privé pa e trahadornan cu ta contribui den actividadnan den e centro-nan di bario, haya oranan liber cu pago pa dedica socialmente na nos comunidad.

10. Enseanza

A.D.N. su bista riba enseñanza y educacion ta uno hopi amplio y na cual extra atencion lo bay wordu dedica den e proximo programa di gobernacion. A.D.N. kier yega na eleva e calidad di enseñanza pa medio di algun puntonan clave cu ta regarda nos enseñanza.

10.1 Inovacion den enseñanza

- A.D.N. lo apoya y sostene e proceso di inovacion di enseñanza y lo re-evalua e proyectonan di SHA, EPB y EPI, mientras lo inventarisa tambe riba cual tereno mas ta existi e necesidad pa cuminsa cu proyectonan nobo, por ehempel riba tereno di educacion pre-escolar (0-4 aña).
- A.D.N. ta sostene e proyectonan di inovacion den ehecucion, mientras nos ta kere cu ta importante pa yega na un evaluacion critico di esakinan, pa wak te con leuw mester trece adaptacion y modificacion. Un ehempel concreto ta cu si ta necesario pa crea “megascolnan” manera proponí den e nota di SHA y kico lo ta concreta mente e lugar di PAPIAMENTO den nos enseñanza.
- Inovacion di enseñanza mester sali for di un vision realistico, autentico y practico, cu tin como meta e desaroyo optimal y multifaceta di e individuo.
- A.D.N. lo tene cuenta cu den e proceso di cambio tin balornan fundamental (politicamente y moralmente) cu mester guia dicho proceso. E balornan aki mester haya nan refleho den e programanan y e organizacion di enseñanza.
- A.D.N. ta di conviccion cu scolnan mester mantene nan identidad (scolnan publico/scolnan particular), entre otro a base di nan concepto educativo of vision riba e tarea y funcion di enseñanza.
- Ora ta papia di cambionan den enseñanza mester tene debido cuenta cu e diferente areanan di cambio y nan consecuencianan pa enseñanza

10.2 Posibilidadnan nobo pa cu estudio na Universidad di Aruba

A.D.N. ta di opinion cu mester yega na expansion di e Universidad di Aruba y inclui mas facultadnan den organizacion di e Universidad. E facultadnan cu mester añadi ta: Pedagogia y Psicologia, Idioma y Ciencia Exacto.

10.3 Mantencion di y materialnan pa nos scolnan

A.D.N. tin planificá un mantencion adecuado y regular di tur scolnan incluso nan inventario, pa asina sigura un ambiente sigur, higienico y agradable pa nos studentenan. Mester remplasa y actualiza materialnan di estudio segun e necesidad. Pesey A.D.N. den proximo gobierno lo percura pa cambio di reglanan cu ta haci posibel cu scolnan mes por dicidi na cual momento nan ta cumpra material necesario y tambe haci e pagonan al respecto. Pa yega asina leu A.D.N. lo percura pa scolnan haya cierto suma den forma di por ehempel un subsidio particular ariba nan cuenta di banco na comienzo di aña escolar. Tambe A.D.N. ta boga pa e scolnan haya un administracion adecuado pa maneha e subsidio y duna cuenta di e gastonan haci na mitar y final di e aña escolar.

10.4 Participacion di mayornan y di sector empresarial

A.D.N. ta boga pa tin participacion activo di mayornan den enseñanza di nan yiunan, hunto cu maestronan. E formacion di comision di mayornan na tur scol mester wordu promové y tambe sostené. Mester crea facilidadnan pa e comisionnan di mayornan por wordu lantá y por funciona debidamente. Pa loke ta trata enseñanza profesional, mester tin consulta cu e sector laboral y empresarial.

10.5 Financiamiento di estudio

E actual sistema di financiamiento di estudio mester wordu revisá, e.o. dor di crea un fondo di estudio y bin cu un politica nobo di estudio den exterior. Den futuro cercano ya mester ta asina cu studentenan no mester paga bek e gastonan di nan estudio. A.D.N. ta convenci cu den e proximo periodo di gobernacion mester cuminsa aumenta (den fase) e financiamiento di enseñanza te na 6% à 8% di e producto nacional bruto.

10.6 Subsidio na scolnan

A.D.N. den su maneho lo evalua subsidio na scolnan a base di debido criterionan, pa asina segura cu e fondo disponibel lo wordu usá pa logra un bon mantencion y desaroyo di tur scolnan di Aruba y pa asina tambe segura un trato igual na tur e scolnan aki.

10.7 Posibilidad di estudio avanzá encuanto turismo

Den cuadro di diversificacion di nos economia, A.D.N. ta enfoca riba e gran posibilidad di parti di Aruba pa institui cursonan avanzá riba tereno di turismo pa estudiantenan local y internacional.

10.8 Departamento di enseñanza

A.D.N. ta considera e urgencia di un edificio nobo y centralizá pa e Departamento di Enseñanza. Ta trata di un edificio moderno cu tin espacio, equipo, manpower y e organi-zacion necesario pa cumpli cu e demandanan di actual y futuro proyectonan di innovacionnan cu ta regarda enseñanza.

11. Asuntonan Laboral

A.D.N. ta sali for di e pensamiento cu mester tin un trato husto y igual pa nos trahadornan local, unda cu nos localnan mester tin e prioridad pa haya un trabao y promocionnan. Maximo esfuerso mester wordu haci pa usa nos propio forza laboral, pa asina baha e cantidad di trahadornan extranhero. Lo hiba un maneho tambe unda cu posicionnan clave mester ta den man di nos trahadornan local. Pa logra esaki mester crea posibilidad pa recapitacion di personal y tambe promove e sistema di "counter partner". Un punto importante den nos maneho lo ta pa hisa e productividad y calidad di trabao.

11.1 Job Center y permisonan di trabou

Primordialmente lo amplia e funcionamiento di Job Center.

Jobcenter lo bai haci un inventarisacion completo di e funcionnan di trahadornan extranhero ariba nos isla y lo stimula localnan desempleá pa inscribi na Jobcenter, cual lo fungi tambe como un uitzendburo. Pa un mihor control, otorgamento di permisonan di trabao via empre-sanen no ta posibel, mientras tur personanan cu ta labora cu permiso y cu no ta cay den maneho di e empresa, solamente por traha via e uitzendburo di Jobcenter. E uitzendburo lo duna e oportunidad tambe eventualmente na personanan mayor, na amanan di cas y studiantenan cu ta disponibel pa traha cierto dianan so den siman y cierto oranan di dia.

E uitzendburo lo enfoca riba e trabaonan pa cualnan tin un scarsedad di trahador, pa asina e trahador no wordu mal-usá. Jobcenter lo promove cierto trabaonan cu por wordu hací na cas, pa asina duna amanan di cas e oportunidad pa labora mientras nan ta permanece na nan cas mes. Jobcenter lo bin cu cursonan cu ta na fabor di e desaroyo di nos trahadornan, pa asina aumenta e calidad di servicio y p a haci e trabaonan mas eficiente. E cursonan aki tambe lo duna e oportunidad na nos trahadornan pa studia mientras nan ta traha pa asina nan por haya oportunidad pa crece den nan trabao.

11.2 Sueldo minimo

A.D.N. ta boga enfaticamente pa haci un estudio profundo di e posibilidad pa di un sistema structural aumenta e sueldo minimo den fase.

11.3 Leynan laboral

A.D.N. lo urgi pa bin cu un revision y modernisacion di e diferente leynan laboral y lo revalua e organisacion di Departamento di Labor pa cu:

- coordinacion y restructuracion eficas di e diferente seccionnan y e acoplamiento automatísá cu e diferente instancianan concerni.
- "on the job training" pa e personal.

11.4 Eliminacion di e sistema di "koppelbazen"

A.D.N. ta desapropa e practicanan negativo di dicho sistema den e mundo di construccion y servicio. Pesey A.D.N. tin como prioridad prohibicion di koppelbaas pa asina yuda elimina tambe e maligno fenomeno importá di "cheap labor" riba nos isla.

11.5 Inspector laboral

A.D.N. lo introduci un inspector laboral cu lo tin e tarea e.o. di:

- controla ilegalidad laboral;
- controla e seguridad den e area laboral;
- controla si "cheap labor" ta wordu aplicá;
- interveni ora cu un trahador no a haya un trato husto ora di aplica pa trabao.

11.6 Re-ingreso di nos yiunan di tera for di exterior

En vista di e necesidad pa reforza nos forza laboral cu nos propio Arubianonan, A.D.N. lo stimula y sondea e posibilidad pa haci e re-ingreso na Aruba di nos yiunan di tera na un manera mas facil y cu ta conbini nan.

11.7 Trabao pa personanan menos habilita

A.D.N. lo stimula sondeamento di posibilidadnan pa crea trabao pa personanan menos habilitá.

11.8 Trahadornan di hotel, restaurant y casino

A.D.N. ta di opinion cu mester termina cu e instabilidad di empleo pa cu trahadornan den hotel, restaurant y casino. A.D.N. den e proximo gobierno ta boga pa introduci un maneho al respecto pa estructura e posicion di e trahadornan pa asina garantiza e continuidad di trabou. Trahadonan di casino y restaurant mester ta liber cu pago riba 31 di december di 22. or te cu 1 di januari 2. or pa nan por pasa e oranan ey den nan ambiente familiar.

11.9 Pension general

A.D.N. ta boga enfaticamente pa introduci un pension general pa e trahadonan den sector privé.

12. Deporte

A.D.N. ta sali for di punto di bista cu practica deporte ta un derecho di cada ciudadano y ta dirigí riba bienestar fisico, social y general di nos pueblo.

12.1 Lotto pa Deporte

A.D.N. ta di acuerdo pa revisa e maneho di Lotto pa Deporte, pa loke ta concerni e.o.:

- eficiencia y efectividad
- administracion en general
- evaluacion di e criterionan pa dunamento di subsidio y demas sosten financiero
- becanan pa deportistanan cu a destacá
- relato financiero anualmente
- inventarizacion di facilidadnan deportivo existente pa yega na un lista di prioridad encunto nan renovacion
- explora posibilidadnan pa ampliacion cu otro weganan cu por trece mas ingreso pa Lotto pa Deporte.

12.2 Terenonan y construccion di facilidadnan deportivo

A.D.N. lo percura pa instala un comision cu ta bay reuni cu directivanan di e deportenan di futbol, beisbol, softbal y otronan, pa asina por pone terenonan disponible. E barionan, caminda e deportenan aki mas ta wordu hací y esnan cu a perde nan tereno, tin prioridad. Dicho comision lo reuni tambe cu organisadornan di otro tipo di deportenan y a base di interes y necesidad lo construi y expande facilidadnan deportivo den barionan cu lo por combina diferente di e deportenan aki hunto den un solo complejo

12.3 Promocion di diferente deportenan

A.D.N. lo promove contacto cu tur organisadornan di actividadnan deportivo of cu tin activi-dadnan deportivo pa conhuntamente presenta plannan di promocion pa asina stimula activi-dadnan di diferente ramo di deporte cu participacion di tur organisacionnan, centronan di bario y na nivel escolar. A.D.N. lo stimula organisacion di competencianan durante henter aña, manera e.o.: ASU-week y competencianan internacional.

12.4 Educacion deportivo

Pa stimula mas deporte y pa hisa e nivel deportivo, lo bin cu cursonan y nochinan di informacion deportivo. Esaki lo ta dirigí tambe na instructornan, pa mantene nan informá cu e avancen den e ramo di deporte. Unda ta necesario lo busca expertonan pa duna entrenamiento na nivel halto.

12.5 Incentivonan

A.D.N. ta di opinion cu reconocimiento di deportistanan, instructornan, organisadornan y promotornan cu a destacá, ta un estimulo grandi pa nan continua den nan labor y tambe lo ta ehempel pa otronan. Lo stimula mas e personanan cu ta dedica tempo como instructornan deportivo na scolnan of centronan di bario y seleccion di deportistanan cu lo bai representa Aruba den exterior, door di duna liber di trabao na esnan cu ta laborando den departamentonan di gobierno.

12.6 Deporte en particular pa personanan deshabilitá

A.D.N. ta boga pa duna mas oportunidad na personanan fisicamente y mentalmente limitá pa haci deporte y pa bini cu competencianan pa nan.

13. Asuntonan Cultural

A.D.N. lo traha riba e mantencion di nos herencia cultural y desaroyo di nos propio cultura pa fortifica identidad di nos pueblo. Esaki ta encera tambe desaroyo y reconocimiento di nos idioma Papiamentu.

A.D.N. lo stimula y promove:

- uso di centronan di bario pa e desaroyo cultural

- eventonan riba tereno cultural Arubano
- enseñanza como vehiculo pa desaroyo cultural
- reconocimiento y pa rindi honor na esnan cu a contribui ehemplarmente na e logronan di nos pais
- nos idioma Papiamentu riba tur nivel

13.1 Instituto di cultura, biblioteca nacional y fundacionnan cultural

Lo percura pa e desaroyo di e personal y lo busca material necesario cu lo contribui den un forma optimal na e desaroyo cultural. A.D.N. lo respalda un maneho efectivo di e fundacionnan activo den e ramonan cultural Arubano, e.o. artesanía, tal na bienestar di nos pueblo en general y cultural en particular.

13.2 Musica y arte

A.D.N. ta di opinion cu un ley di proteccion mester wordu introducí y ehecutá a base di lo siguiente:

- mester baha e cantidad di bandanan cu ta bin di exterior pa actua na Aruba. mester introduci un impuesto special pa e bandanan di exterior manera mencioná, cual impuesto lo wordu destiná pa educacion musical den barionan
- mester haci mas uso di nos talentonan den e sector hotelero local pa asina expone nos propio cultura
- mester institui un plataforma cultural nobo cu representantenan di cada ramo di arte activo na Aruba. cual lo mester yuda financia y ehecuta proyectonan y obranan cu ta contribui na e progreso real di cultura Arubano en general
- introduccion di educacion cultural den e programa di scol
- mester bin cu un edificio nobo pa e scol di musica, cu ta cumpli cu e rekisitonan inovativo y moderno di educacion musical.

13.3 Carnaval

A.D.N. ta di opinion cu mester explora posibilidadnan hunto cu organisadornan y hotelnan pa engrandese e eventonan di carnaval.

13.4 Museonan

A.D.N. ta considera un plan pa banda di e museonan existente establece mas museonan, e.o.: museo carnavalístico, museo historico y historia politica, pa asina mantene y promove mas nos cultura.

13.5 Entertainment-center

Punto di bista di A.D.N. ta pa sigi explora e posibilidad di restauracion di nos entertainment center di tal forma cu e ta cumpli cu tur exigencianan pa cu sonido y otro condicionnan di ordenanza di moles-ter.

14. Vision pa cu hobenan

Meta di partido A.D.N. ta pa crea e posibilidad pa cada hoben por desaroya su mes riba cualkier tereno, pasobra cada un di nan tin nan mes un aspiracion, cual mester wordu respetá. Como gobierno A.D.N. lo percura pa duna contenido na esaki pa cu formacion di e hoben.

14.1 Educacion familiar

A.D.N. tin e debido atencion pa cada hoben tin e oportunidad pa sigi desaroya su mes di acuerdo cu e derechonan di nos muchanan y hobennan. Partido A.D.N. ta conciente cu e constelacion di e famia tradicional Arubiano a cambia, pero e meta principal di cada famia mester keda: yega na e desaroyo total, tambe emocional, di e hoben,. Di parti di partido A.D.N. pueblo lo ta informa debidamente di instancianan existente cu por yuda un famia den necesidad di ayudo of conseho y na unda nan por bai libremente pa haci apelacion riba derechonan di e mucha.

14.2 Enseñanza

Futuro di nos pais ta depende hopi di e frutonan cu nos hobennan ta cosecha di primera-mente e educacion familiar, sigi pa e educacion escolar y universitario local y despues un posible educacion avanzá den exterior. Cada hoben tin e derecho di por dispone di medionan y instrumentonan den e mundo di ciencia y tecnologia avanzá, e.o. computer. Scolnan mester por sigi dispone di e instru-mentonan aki y otro tipo di materialnan educativo, tambe materialnan audio-visual. Un otro aspecto importante ta e localidadnan y e materialnan primordial cu mester ta presente pa por garantiza enseñanza di

calidad. Partido A.D.N. ta sali for di e principio cu e inversion di mas importante ta e inversion den educacion di nos hobennan.

14.3 Plan pa hubentud

Lo bin cu proyectonan cu ta encera:

- programa escolar di incentivo pa desaroyo di talentonan di hobennan pa cu e.o.: invento científico, proyectonan, deportivo, cultural y artistico y pa comunidad, ideanan inovativo pa desaroyo di bo pais
- localidadnan y actividadnan pa hubentud reuni den diverticion sano
- un gremio oficial, represantá pa hobennan cu lo duna su opinion encunto temanan cu ta riguarda hubentud y futuro di hobennan y cu lo manda su consehonan pa Parlamento.

14.4 Deporte escolar

A.D.N. ta stimula y promove deporte escolar y intercambio di deporte entre scolnan y lo percura pa scolnan ta dispone di materialnan deportivo.

14.5 Combatimiento di droga y alcohol

A.D.N. ta stimula tayernan y programanan informativo pa henter e famia yuda preveni y combati droga y alcohol entre nos hobennan y den e curiculo di scol esaki mester bini constantemente na vigor.

14.6 Prevencion di embarazo hubenil

A.D.N. ta stimula y promove programanan informativo pa nos hobennan riba e conse-cuencianan social hopi grandi cu embarazo hubenil ta trece cu ne y igualmente pa concientiza e mayornan pa cu prevencion di tal.

14.7 Hobennan y medio ambiente

A.D.N. ta enfatiza pa scolnan cumpli cu e tarea asina importante pa educa nos hobennan tocante e valornan cu nos medio ambiente tin pa nos.

SUGERENCIANAN DI PUEBLO

Number:

Adres / Tel :

Espacio pa duna oportunidad na nos conciudadanonan pa trese sugerencianan constructivo, pa di tal forma tambe contribui na bienestar general di nos pais Aruba.

Posita e formulario aki den box na cede di A.D.N. na Noord 15B (dilanti di ex-Palmbeach supermarket) of entrega esaki na cualkier di nos miembronan.
Fax esaki na nr. 862515 of 875515